

Peri a Orane sa Festa de s'Europa 2014.

Su noe de maju est sa die de sa Festa de s'Europa e ocannu sa bidda de Orane est istada isseberada dae sa Regione Sardigna, paris cun àteras sete biddas, pro ammaniare custa manifestatzione itinerante: oto addòbios dae s' 8 a su 22 de maju in sas pratzas de Mandas, Carbònia, Gùspini, Tortolie, Orane, Làconi, Agghju e Casteddu sardu.

In custa manifestatzione peri sas biddas, s'at a mustrare sa seletzione de sos 120 progetos finanziaados in Sardigna cun tres miliardos de dinare comunitàriu de su 2007-2013 e s'Assessore regionale de sa programmatzione Paci, at naradu chi in custa occasione s'at a faeddare de su chi s'est fatu ma finas de su chi s'at a fàghere, chi sa Sardigna at ispesu su 65% de su dinare comunitàriu a disponimentu, prus de sa mèdia natzionale, e chi s'at a arribare a l' ispendere totu.

Cun sa Festa de s'Europa at a èssere inauguradu su Portale nou "Storie di progetti" in ue si podet agatare sa descrizzione de sos progetos ammaniados in Sardigna, datos e immàgines, e b'est peri unu giassu in ue si podet iscrìere unu parre.

Ma pro ite su noe de maju?

Su noe de maju de su 1950, su ministru frantzesu Robert Schuman aiat invitadu a sa Frantza, sa Germània otzidentale, s'Itàlia, su Bèlgiu su Lussemburgu e sos Paisos Bassos a pònner paris sas produtzione natzionales de su carbone e de s'atzàrgiu a manera de creare una Comunitàde europea. Est istadu su primu matone s'UE de oe, chi aunit 28 natziones, e duncas cun resone, cussa die cheret ammentada comente sa Die de s'Europa.

Su calendàriu de sos 8 addòbios in Sardigna :

- Mandas 8 de maju a sas 10,30 pratzas "150° anniversàriu de Itàlia"
- Carbònia 10 de maju a sas 9,30 pratzas "Roma"
- Gùspini 11 de maju a sas 10,30 pratzas "XX Settembre"
- Tortolie 13 de maju a sas 10,30 pratzas Iscolas elementares
- Orane 15 de maju a sas 10,30 Pratzas Itàlia
- Làconi 17 de maju a sas 10,30 pratzas "Marconi"
- Agghju 20 de maju a sas 10,30 pratzas de su Rosàriu
- Casteddu sardu 22 de maju a sas 10,30 pratzas noa carrera Sedini

Su programma de Orane:

10.30 addòbiu cun sos amministradores pro faeddare de "finanziamentos Europeos: sa programmatzione noa de su 2014-2020".

11.30 "s'Europa in domo mea":premiatzione de su cuncursu de sos pitzinnos de sas iscolas mèdias.

12.00 "Su prof. Pietrosky e su cunillu in su bonete". Ispetàculu de palliatzos e giogos a incuru de "CircoScienze".

15.00 Ispetàculos a incuru de "Circovagando".

18.00 "Deo e s'Europa": sas esperièntzias de chie at impreadu sos finanziamentos europeos.

19.00 Ispetàculu